



胡文忠公手翰卷下

得奉手書講理則我的

短講情則兄

的情長批

則我爲難批駁則兄爲難能待一年以望金陵之克

復乎上下關已得金陵接濟諒必斷絕若大城圍恐

亦難守金陵苟復則賊必竄江西浙江安慶糧多百

物俱備然亦必在一年內矣兄如可強留弟所求也

只苦弟一人尙無脫身法奈何

閏三月初一日
見全集卷七十一

接初六日手書得悉一切所籌深明大局眼光如炬

胡文忠公手翰

卷下

一

感誦不去手惟昨得南陽金睢園太守來函稱皖掄

孫葵心劉狗等竄至洧川許州一帶并不放火晝夜

兼行有直撲西路之信並聞另有股匪由淮店竄至

上蔡滋擾該匪等狼奔豕突飄忽靡定亟應先事防

範等語現已札飭霆字五營移至上巴河一帶以備

異日援勦兼保黃陂孝感又省城空虛戎心狡啟尤

須先事預防季公亦力言鄂垣根本不可無備弟已

函請希公酌派小統領分帶一千人或二千人回防

省城以備不虞。目今情勢楚師萬難再分，老兄籌度全局，誠爲勝算。惟江西若有好手，皖南若能得力，則此事不難矣。季公現在英山寫字，將來必到希庵營中，閣下試與同謀，必有奇策，但須多備幾罍紹酒，幾碗好蔬菜，以助其興耳。

閏月初八日

日內懷桐進兵，賊必由六安內犯。此機勢之自然也。連日深思霍山一帶兵勇，昌字禮字七營吳幹臣千人馬隊四百名，若是昔年之賊一萬餘人，分擾總可

胡文忠公手翰

卷下

二

制勝。近年賊較往年稍多，戰守之機必須詳慎。此次兵進懷甯桐城，如合圍之後，城賊果困，必告急乞援於下游之賊，以懷甯爲賊之眷屬，巢穴而桐城又懷甯之根蒂也。計其來援之時，桐城自是正路，然多禮堂都護馬步之正兵在前，李希庵方伯援應之奇兵在後，均屬威名素著，賊必不敢正視，其必從霍六上犯希冀分兵內援以解懷桐之城圍，似無疑義。由六安而入，必由商固光州則羅田麻城黃安德安一帶

均宜謹防是八年春夏之故智也由霍山而入必內
犯天堂則潛山英山蘄州太湖之邊地必警也此時
無兵力代守六安並無兵力進謀舒城則惟有謹守
霍山不失而已矣守霍山不失須兵幾營馬隊可撤
二百另行調遣否幹臣一軍可調回漢黃之間否公
酌速復守霍山似須傍城爲營或據險爲壘城中可
積米糧軍火柴薪水泉不比野外難於多備賊不得
城則無久駐之理捍衛兵勇城池必堅於牆壕又據
山險則賊不易犯平地之兵一可當一者據險之兵
一可當五六也凡此皆宜預思之事查昌營前紮青
草塌地勢營壘未能一一合法現紮之地亦系略觀
大意卽便駐營恐尙未能通籌全局萬全無害軍事
應備不虞應及未雨而綢繆毋臨警生悔待兵力之
不支而遷徙此事尤須細心審度應請幹臣同會亭
前往審度一次詳悉細揣必須遙爲桐城天堂等處
之援應以伐賊謀又須近捍霍山潛山英山之邊境

以固吾圍商定迅速函復如仁兄事簡再請前往一行此要著也至懷桐二處無可偵探萬一賊計上犯其包鈔之遠近必以懷桐城賊之緩急爲定城賊緩則將由六安壽州之間作大包之勢盧袁之勇未能抵禦城賊急則將由舒霍之間作抵釁之謀山中雖有兆字五營尙嫌空虛但異日賊勢內犯先一二月內有機宜可審有情狀可圖應派次蓀專駐霍山以察六安舒城廬州定遠等處之賊勢賊情是爲至要

胡文忠公手翰

卷下

四

均祈細心審量妥酌速復

四月初三四鼓

此函尙是初三未知金陵大變之詞也

金陵營壘閏三月十六日均陷和張退鎮江大變特起卽皖北軍事亦必大難爲力安慶須進兵而桐城之兵不宜合圍應留以備戰陣也速請祕商希庵并由希庵祕商禮堂應如何預思良法如何預防後患之處某枝戰某枝守均須思之莫學江南作呆著笨貨也又秘及

糧台言蘇常戒嚴會兌頗無其人已將存金折銀寄
營到時卽祈收存妥人寄去并須早來到秋冬搶匪
又大舉矣此時此世以兵爲家另件鈔上 廷旨因
和春還鎮江命都將軍帶馬步各四五千人到江北
以防北竄而囑多帶餉需此難事也 四月初四日夜

奉示金不見納何鄙我耶 應飭糧台再送來派人從清江往迎 速遣人

前往速迎堂上全眷來常州蘇州恐均不保矣暇時
乞到霍山一商總以收歛穩固爲主騰挪各兵作閒

胡文忠公手翰 卷下

空之兵以備戰事秋閒是大戰之時也次蓀日後必
須派在霍六作探在桐懷之間無益有大營之探則

儘可恃也弟到宿松俟一切了妥再行回營 十四日夜

二十三日夜張小浦據浙撫函開蘇州十三日寅刻

失守張璧田十四日退至杭州可爲痛哭接挾蓀兄

二十一日書領悉種切甘君玉亭所開各書俟送到

營時由兄挑選紙板最精者轉遞頭本爲妥茨蓀尙
謂常州未失狗逆正在相持似不盡然春閒我欲救

吳越無人以爲然至今恐不能救不可救而又無能
救矣秋冬之間必挾全力西犯謀楚旁擾橫軼以圖
牽制我師不可不預爲憂思準備山內之兵如應禦
於境外則兵當在前擇霍六等處駐紮如應禦於羅
麻之間則洛守希庵先生遠剿近守之法兵力當注
重於黃州之上或羅田松關三四千人麻城大小界
嶺三千人黃州二千人及是時間暇以兵駐之該處
本有新修礮樓卡關並無人守若以夏令派人守之
逐日加修則勇丁不致自逸而工程完固防備益堅
此無事時之勝著也鄙見如此未審孰當應請我兄
會商希公斟酌機宜迅卽示復爲企鄙見兵愈遠而
力愈分桐城是第一關鍵天堂是第二關鍵懷桐未
復天堂不可無兵其地可以控制數州縣而又常年
有糧米可採也鄙見兵事以夸大矜張驚遠爲忌收
斂固齋切近爲貴霍山余軍應否撤回天堂以二千
五百人或三千人爲守又以五百人或千人分守霍

山城西後五十里之土地嶺

此隘聞五百人可守然未親歷其境尙祈詳悉

函又有流波磴之觀音坎大尖門

此處現已修關各派百人守之力必

不足也

似此布置只棄去霍山一城而天堂既有兵二

千五百人其土地嶺觀音坎大尖門羅田松子關麻城大小界嶺約又其分去八千人似山內已可有備而潛山太湖英山蘄州蘄水宿松黃梅可穩此計似較善也或曰不如合力遠剿然弟總不以爲妥也請公同酌量審重計出萬全明以告我月前曾以此意

胡文忠公手翰

卷下

七

隱約函致幹臣會亭而不敢顯言幹臣會亭亦不能深喻其意也又蜀亂吳亂而百貨不行釐金頓減總局信來一切情形虧欠不可言狀亦須慮及也

四月二十

四日

桐城舊書爲前單所未載者如經如正史各色各本宋刻仿宋刻乞搜訪物色每次以頭本批定價銀寄來專親兵送營一月二三次如搜求不力物色不多便當興問罪之師此間蓄養兵力現有六營在此摩

拳擦掌也

二十九日

雪芹督率韋軍力破縱陽水陸均血戰勞苦功高幸而得之爲安慶謀則此功極大戰績良苦當速入疏章降人利輕名重心疑不釋其連日苦功蓋恐不能見信故勉力盡命以求賞鑒而爲光寵惟是得之難守尤不易且因此而賊援必速且益多林翼之心直以金陵奪水關自懼矣聞賊目初一日從金陵西犯其來必速多方誤我亟肄疲我吾楚之兵不免牽綴

胡文忠公手翰

卷下

八

商量不定憂患方始矣愚陋之人總以收斂據險靜待沈幾其應否縮營應否縮地擇要以控制之方先立不敗之地爲不可勝以求可勝之謀祈明悉指示一縱陽韋軍分守尙不敷應請禮堂代籌撥二千人協守或乞雪芹募千人由鄂餉支應 一天堂之地山原廣博有穀可食前與潛山懷甯桐城舒城通後與英山霍山太湖蘄水蘄州宿松通應以重兵扼守天堂不失如賊力爭此地勁兵三四千人副以團練

分巡山徑卡房使懷疑觀望則團兵亦有益也否則賊入山中官軍難以力取不僅蘄黃之地因之驚擾卽懷桐之師亦如芒刺去年有葉介唐團練五營今則介唐已去民心已渙五營之人日以手書聯絡之仍不如介唐在潛之親切也又去年有昌字六營人頗穩練加以禮前禮後桂字三營之驍勇而猶不免日請益兵今則并無一旅是林翼之忘危而自安也應請籌示 一都將軍遵奉六次 嚴旨淮北之行

胡文忠公手翰

卷下

九

已不可緩欲帶昌字六營否則須林翼獨當違 旨之罪林翼細思奏明無兵可撥亦是實情惟都公前去必欲帶去此軍亦非爲自己一人之私如禮堂都護希庵方伯能照顧天堂則以昌營撥入揚州以吳幹臣千人移入霍山後七十里之土地嶺縮入守約可以省兵以舒公馬隊入黃州之地作內援而杜賊謀又霍六之交流波磔旁路可入英山太湖蘄州羅田查祇觀音坎大尖門二處捻匪曾經通行已發二

百人前往修造工程卽加三四百人亦或可守此山
險似山內關鍵總以不失天堂爲要前兩月兵多思
恢廓驚遠今日兵少思收斂自固是否請禮堂希庵
照應天堂抑須堅留昌營之處乞細審明示 一湖
北之黃州漢陽本富未富之大郡也黃州錢漕半一
省漢陽通商取釐賊所窺伺如此次援賊西犯尙如
去冬故智陳欲分葉力主合
敗後陳頗怨葉則多寡均不必計多李
必可破之惟禮堂希庵久爲陳玉成所憚竊必以多

胡文忠公手翰

卷下

十

方誤我之法分擾天堂英霍其安慶城中米糧軍火
尙足也或由六霍之交出商固商固之吏恬然自安
蔓延光州羅山則黃漢德三郡皆震千里之防實無
辦法抽調援剿勢所必然似應請禮堂萬人預紮善
地期於內地有警用其所長蓋黃州漢陽爲北門之
正路非僅懷桐之後路也賊救金陵不於金陵著手
而於浙江東壩之旁路後路入手前事亦可鑒應請
預思決之 一沅丈關內之軍旣得樅陽不可撤至

關外惟預先籌思準備抽兵以禦援賊援賊未破卽先得安慶不敢自快援賊立破安慶之城遲早在掌握之中兵事似以全軍旅保完善爲先 一希庵禮堂兩軍主戰不主守應否斂兵自抑縮地示弱以備應援四路之處祈爰酌示行 一成武臣二千人由希庵分來作護卽再添千五百人亦非二三月不能成軍應隨林翼移駐宿松或預飭成武臣移黃州而林翼酌帶千人移宿松請酌之以上各條均籌備援

胡文忠公手翰

卷下

七

賊急務先發制人敬祈卓裁審量詳悉示復

五月初八日

十七日來函三說與前之五慮均切中時事動合機宜欽佩之至賊此番來犯枝數必多所謂多方誤我亟肄疲我也然總須把定霍山及天堂近舒近霍之隘堅守不動卽十萬賊來援霍山及潛山近舒近霍之處亦須預囑昌營及介唐五營堅壁不出

少則戰多則不

戰據險要以挫其鋒如老僧入定任憑如何只索不

聞不見潛山山內已派樹人前去矣霍山之城余會

亭吳幹臣均言城垣尙不如一壑壘城中積潦又無
多房屋與英山地勢同情弟意昌營旣因無餉不能
遠行且自撤樊籬亦非保楚之上策決計不撤糧臺
實無錢制臺藩臺亦不肯放手揚州之夢且綏二年
林翼之志如詩人所謂甫田遠人也省中之議如孟
子所謂守約施博也惟必須斂入山險乃可萬全昌
營一統領五營官其治軍愛民均有可取然其哨長
什長輕進若營壘地勢不能盡善盡美必難立於不

胡文忠公手翰

卷下

十一

敗之地應請老兄於所定選鋒營伍挑選成軍後前
往察看地勢幹臣立主縮地之議會亭則言樂兒嶺
地勢可守張令伍令則尙眷眷於城守而又言非秋
熟不能有米非治城中之溝渠不能除水均望老兄
一行酌度妥善此一路祇應堅守不動不尙戰而尙
守霍山山險不失英山是第二重更不足慮如指點
昌營駐紮得所居高臨下則禮左新仁英字均可調
入內地矣速切速切如兄往看城果難守則俟有警

時火之不必報明祇數十間屋耳何必愛惜數十
間破屋分我一二千兵力以守此有水無米之破城
哉成武臣是羅田松子關一員戰守大將英山城外
十五里卽是羅田地界俟六安固始有警再調我兵
尙到在賊前此時且在英山又麻城城守擬定以湘
帆堅守而以團練守卡黃安擬以胡世瑛一營守城
而以團練守卡孝感擬以都將軍入城黃州擬以舒
輔廷六百人游牧於下巴河之西岸其聲威可抵五

胡文忠公手翰

卷下

三

千步軍其地在黃州下之十里驛路必由之地昨準
揆帥函開言省防空虛已札調新仁英字回駐然細
思霍山至省太遠太勞湘帆太守另募有人五百人
三百八十人者二營又可以撥爲省防如此布置內
另擬有人尙未札行

外均屬不空其隨機策應再待臨時調度賊戀窩巢
情急勢迫必拚死來爭我輩亦盡此數月之精神力
量心思專意於此打退援賊安慶桐城廬江三城可
復而巢湖可盡爲我有矣此亦如忠武厚庵雪芹力

爭湖口之事爭得巢湖之西南則水師入湖其安慶一帶只須千兵可守則兵力可省而民氣尙可暫紓矣總之事機固待臨時乃可決斷此時豫行思議蓋閒時千思百慮臨事乃能斷能謀也

二十日此函與全集第七十

二卷復李希庵大略相同

城守爲目今第一急務弟於前五日致滌帥諸公一

函思慮頗苦滌帥禮堂兄希庵兄回信林翼已復滌帥之稿十二日已鈔寄文案書局存查矣可送藩臺

胡文忠公手翰

卷下

四

臬臺糧臺公閱其後一次林翼通函思慮相同各處尙未復到大抵居外者輕內言戰者薄守視漢黃德爲後路而不知是北門之正路賊自揣禮堂兄希庵兄善戰必難力破非紛擾內地不能解安慶之圍而分多李之兵勢破金陵而從東壩浙江溧陽溧水宜興下手救九江而從麻城黃安下手前事不可深鑒耶爲今日謀楚之大計若留霆留昌留禮事必不能君命天也應以好兵應客乃於大局有濟若調希

調多回駐內地勢亦不可能討賊乃能保境前勞可
念大局當撐也惟是患貴預防義貴自強只有力求
城守籌兵嬰城以待大援兼嚴關卡碉樓以杜奸細
之法應商事宜條列於後 一羅田無城而松子關
五斗均爲大門戶其餘鳳凰關濛濛山等處均設碉
卡除應嚴飭平時以十人巡守緊急之時兵力不及
則飭該縣每處添成三十人分巡各碉卡而另提三
四千團勇守松子關五斗均團勇主近戰不主遠剿

胡文忠公手翰

卷下

五

或可稍助聲威潘令才品士民均無惡聲或可董戒
如能分營千人二千人坐鎮松關以爲平時之稽查
兼樹風聲乃妙此條營務處酌存隨營文案五日一
札催藩臺臬臺均五日一札催以作其氣 一麻城
之令平時毫不以守禦爲計去年該縣士民捐錢自
立一營有營有壘有帳房營制如鄂軍章程該令到
任以幕友家丁之言卽行稟撤官不催餉不得不撤
者勢也應由司密察酌訪除碉卡應由司中查前案

并由營務處營文案五日一札一函分別查問外應
籌千人專守城池平時督率勇丁以濬濠修堞爲事
臨事閉城并附城要地可仿礮式作空心小砲臺以
便擊賊麻城富庶賊所經過爲黃州第一緊要關鍵
麻城不失則黃州各城之根蒂均牢賊不得城則無
立脚之地亦無藏身之固其守兵千人應由該縣捐
養力本可及也馮郝等紳均曉事明理可以委任用
鄉兵則其地風氣頗勇但須官爲擇將耳 一黃安

胡文忠公手翰

卷下

六

礮堡尙未報竣應檢前案中札行營文案營務處
均照辦爾催札催勇丁自募儘添壯健但必擇好將
乃妥速卽稟復此縣爲黃州漢陽北門之次要亦不
可緩也 一德安爲名郡應照另札由該處自籌千
五百人作守并酌易太守之能兵者縣令之能否得
民心得民財亦當思及 一孝感應山隨州黃坡均
緊要除文丞代理已久應飭卸事另有差委外後任
及各任均應照前案兩札并行山司體察 一襄陽

之樊城與光化之老河口利不在城而在市擒匪所
垂涎已函囑毛觀察董勸速行 一鄖陽山險由省
中酌議 一蘄水城墮應先嚴礮卡不足者應速補
礮礮是空心小砲臺守丁有所恃而無恐則萬賊入
境亦可不走也其城工則須量其事之緩急力之厚
薄可自酌之 一黃岡祇馬鞍山有礮應照案速行
一黃州爲城守應派員帶兵駐紮或以馬隊游牧
以壯聲威可否另籌經費養此守兵此爲大郡要地

胡文忠公手翰

卷下

七

其向有水師現赴下游協剿不難聞警卽調六七日
可到 一黃梅民力苦于轉運已三年楚民惟此邑
最苦其城可守且在宿太潛之後惟此城是入楚正
路可兼通內外上下之聲勢并可於此存軍裝米糧
等項也擬卽另酌守法 一蘄州城瀕江易守尙不
甚要蘄州之要在張家塆而天堂又包裹其外李牧
爲良吏爲邊材尙未能定大約是吏材其張家塆及
各路舊修之礮卡關隘除每日十人臨警三十人盤

查掛號外應頒行礮式加修礮座以護邊牆文案營
務處速行 一武昌一府惟通城崇陽與國爲要江
西未警亦須豫備李忠武昔年得湖口楊軍門彭方
伯夾攻而通彭蠡其功力可保數千里以阻水不通
難入江西內地也異日官軍若通巢湖則皖北之勢
可大而楚北之兵可少苦力支撐敬畏交勉或猶可
望異日之安乎 以上各條蓋能守城則根本不搖
援師不至疲於奔命卽倉皇趕到亦可有功能守關

胡文忠公手翰

卷下

七

卡礮樓則戒備不虞民力民財所捐無多賊匪亦將
望而卻步其苦處在去冬蜀亂本年吳亂鹽稅厘金
大減軍餉月虧十餘萬兩近日尤甚糧臺窘迫不可
言狀然事不可已分應努力爲之此函之可疑而應
商者在用鄉兵或用官兵耳或一郡一縣各捐以自
養其守兵或通省勸捐由糧臺籌撥耳

禮堂
希庵

兄其商

先行抽撥各二千人預守內地北門要城則異日援
應較易得力但下游之兵力須自行酌度而裨將之

能堅守不成虛設亦頗難訪察信心也請酌量示復
又緊要之郡縣不過數處猶一人七尺之軀其護風
寒關命脈者亦不過數處耳北門以麻城及羅田松
子關黃安孝感黃陂黃州德安爲最要其餘皆易爲
力也先謹關卡亦可戒備此則無論早晚緩急均各
派人分巡不實心不實力者卽行參撤以上各事均
望分條復正以期通籌

十三日 此函見全集第七
十三卷蓋致各營通稿也

五月十九日奉十七日惠函敬悉壹是守城一則不

胡文忠公手翰

卷下

九

過因尊議引而申之患貴預防義貴自強已決意飭
辦矣來示鄉兵官兵之用在因地因材以制其宜所
論極爲精當佩甚前示五慮等情業經奉復諒蒙鑒
察昌營因現無餉不能遠行仍宜駐防霍山以固藩
籬將來賊眾上援總以堅守不動爲要惟該營營壘
地勢未能盡善恐難立於不敗之地應請老兄迅往
察看詳悉指點如昌營駐紮得所將霍山山險潛山
近舒近霍山險一并設碉則禮左新仁英字等營均

可調入內地矣至企至禱葉介唐已囑其募勇速來
其兆字五營暫交樹人代爲照料自屬可行所須鹿
茸一架本月二十六日專弁到京卽爲購寄票銀百
兩暫爲收存不動

二十
二日

得書備悉太湖之議將成章矣

二十日之久尙未謀
成可見好謀而成非

聖人弟準於初六日拔營初八日可到英山城外駐
不能

紮與兄細察細商舒六爺初一日啟程計不日可到
請兄將大局通籌弟心至專一無不可擔之事又頗

胡文忠公手翰

卷下

三

空虛不自是也亦無不可商之事

初四
日

弟意欲派人辦英霍之捐捐錢歸湘營支用試擬其
人 馬隊進兵須由河南地界糶料亦便也弟等旣
專認英霍舒六便當專思其事進兵固不必急然不
可不預籌又及

尊示敬悉吳民何辜遭此塗炭凡有血氣莫不心傷
閣下繫念不遑尤屬人情之至爲之慨然惟閣下里
居距城較遠必報平安正無庸過慮也爲今之計只

有練兵殺賊一著招募之舉惟閣下趕緊行之空憂

無益尚乞寬懷爲禱

初六日

前次第等奏留都將軍頃接五月二十九日 廷旨

仍飭楚省調撥馬步兵勇并籌備餉需以便迅速啟

程進扼汀北等語查此閒兵力本屬單薄而 聖意

嚴切何敢稍違將軍執意仍欲撥六起馬隊并要派

鎮將統帶步隊不諒弟等之苦心苦境反復陳說將

軍總是不信弟是窮人過年支帳不開將軍如年下

胡文忠公手翰

卷下

主

討帳之人執意要帳方肯出門弟實焦愁無法敬乞

速度示復又於十三日奉初五日 廷旨石逆已竄

入黔之廣順永甯矣入蜀不遠西顧可憂亦飭楚中

籌酌除兩次

廷旨另錄轉行外

六月十三日

得信知探回尊夫人殉節十年化石一旦完貞義烈

千秋流芳不替可以愧世之宮太保督三江而下賤

無恥不堪爲尊門作奴婢矣老兄之門有烈女老兄

亦且不朽其努力自愛講究兵事以紓國難而報家

仇毋過感感至念至念堂上須繞北路到鄂切速切
速手此奉頌近安千萬自強勿悲感

七月初一日
見全集第七十

卷一

于岡闔門殉難不愧甌北先生之裔一切乞詳示

奉到初一日惠函領悉壹是自常郡被陷以來每念
閣下瞻望庭幃私心不無惴惴探卒回營欣悉忠孝
之家平安無恙慰甚尊夫人貞義節烈懿範千秋他
日載在譜牒登諸誌乘其有光於名門者正自無窮

胡文忠公手翰

卷下

三

固無庸以尋常慰藉之詞進也珂鄉戎氛逼處非所
敢安板輿之迎應請繞行北路到鄂幸勿遲遲爲企

七月初
三日

初三日奉復一函計邀勛鑒茲有徐君宗亮前湖北
糧道徐石民之世兄也忠良後裔境况清苦弟見其
材質尙可造就特令趨赴台端應乞俯賜教訓大匠
之門無棄材如可成全卽請示復以便斟酌札委

七月

初五
日

奉到惠函得悉月之十八日太夫人安輿及瀛眷可
抵六安州城欣慰無似尊意僑寓黃州極爲妥當惟
刻下甯國已失賊必於皖南作守局以堅城堅壘阻
滯東師而以悍賊蠶食浙西挾全力以求逞於皖北
又必分三枝四枝爲多方悞我之計大局艱危憂憤
萬狀滌帥約希公南渡義不容辭然只能到祁門不
能到徽甯到徽甯則回援甚難也希公之意擬請老
兄酌帶數營渡江未知尊意何如請速酌示徐公宗

胡文忠公手翰

卷下

三

亮家信一件請轉交莫悞拜託

二十四日

齊安卜宅奉養板輿樂聚天倫一修定省之節惟侍
祺多福晨夕清娛慰頌無已桐城髮捻麇集日有戰
事必須合力大舉以遏狡謀希庵方伯擬卽會師出
擊應請閣下迅赴軍營籌商剿辦此閒已派舒都護
馬隊四百人往桐城助剿並調松子關之成總戎五
營暨留護英山二營出流波碰會合昌軍進擊霍山
之賊分途迎戰計挾全力以制之惟盼閣下星速登

程不勝禱企之至

二十一日

奉二十六日惠函具悉一切聞顯門中丞現招劉嶽昭黃子春入蜀尙爲得人希公已派朱品文一營前去當可了此公案朱品文打仗尙勇卻非統領之器弟已函告駱公矣春霆次青凱章先後俱到左公七月杪由長沙啟行八月節後可到惟松江再失上海亦危江南恐無一寸乾淨土矣大局艱危憂心如擣所示營勇需索紳局一節弟已出示禁止應請尊處

胡文忠公手翰

卷下

書

派人密查一併從嚴示禁皖民火熱水深亟應體恤民夫一節實非善政其如何酌改章程愛惜民力之法乞請迅賜籌議爲企甘君請再催之

八月朔日
見全集卷七

十七

初二日接二十九日惠函並鈔寄探報得悉狗逆已分股上援該逆本身似猶有待其一切援剿機宜知卓識遠謀必有勝算應請兄與希庵方伯酌商賜示爲企鈔寄禮堂兄來函及探報及弟復函

八月初二日

初七日亥刻得伍令初三日六安州來報抄寄清鑒以愚臆揣料尙是賊之最先一著尙是賊之最少一股然六安壽州均長淮腰膂絕好城池古人所血戰而不可得者今人恐棄之如遺皖北之六壽略如皖南之徽甯賊意阻遏東師使閉塞不得通行耳楚之北門殆其盱食賊必漸漸蠶食先分楚之兵力然後以大股逞其狡謀午帥定遠兵最弱不講求守法戰法而姑且試攻試圍一潰至此不可收拾此爲營哨

胡文忠公手翰

卷下

三

謀功利非公家之利也

九月初七日

昨夜寄函言賊匪如圍六安州城賊勢果盛請希菴方伯自行并請函復卽檄松子關七營或馬隊四百來會其余副將七營中之五營本已札飭候令俟大隊到時即可會合也鄙人愚見總覺此股尙非四眼狗真賊其四眼狗真賊伏藏何處尙待審慎惟十八日得翁中丞初十日書言壽州之賊揚言二十萬實數十餘萬搶匪在外而余將伍令迭次所報六安一

帶已到之賊約計萬人查初九日以後連旬苦雨賊勢多寡尙未到齊應再沈幾審察按兵不動待賊情之畢露探確情形然後并力赴之十八日又得余會亭信言賊情乍退乍進似有詭計閣下代率之師不可大動又言須以有定待賊之無定所言均有可採鄙意閣下行止須待李方伯回營酌商再定不可輕進松子關七營及舒之馬隊且不動候李方伯函復再札調其余副將七營似堅守樂兒嶺一帶以待後

胡文忠公手翰

卷下

三

令亦不能獨進也各路軍勢稍遠仍由會亭次蓀按日一報確情六安必能爲十日之守雨霽數日再行審量猶可及也

十九日

十三日接伍次蓀來稟六安之賊不下萬人吉惠兩鎮疊次請援若該逆急切攻城必難穩守賊苟得志于六安麻羅竇受其病希庵方伯未回無可商酌鄙意擬欲及此大股未動之時撥兵援應救此危城是否可行是否有濟往返二十日程限能否不誤力量

能否必勝應一面斟酌可否一面速復以便補札請
閣下酌帶十營多二三營亦請酌由青草埭取道潛山山內

行至霍山并酌調余會亭之勇四五營來去均應迅
速使六安官紳兵民感激思奮穩圖守局已預飭霍
山張令六安鄒牧備辦米糧以待旌麾之至並擬酌
量咨復東吉兩鎮次蓀來函暨弟復函均抄上

九月十三

日見全集
卷七十七

昨商以十營援六安可行否弟等已奏請北援勦王

胡文忠公手翰

卷下

七

尊處如援六安須二十日往返乃可行也酌之決之
明以示我

十四日

前寄覆徐椒岑一函由尊處轉寄已交到否

糧台今年之窘非復意料所及即如介營昨到省城
領帳房烏鎗均只能發給一半他事可想矣英山亦
無餘錢亦屬古舜設法恐不多也軍火油燭亦少六
安之行可問希庵希庵十九日必到營如四眼狗大
隊果到須請希庵自行十三營同行亦可但北援在

出月初六日以後必不可遲一切問希庵爲妥尊函

已寄省城矣

十八日夜

如奉 旨調弟入援須抽調一萬餘人希庵方伯同行潛太如何固守羅麻如何固守如何斂兵阨險應棄何地應守何方不妨先機籌畫儘此十五日之內往返兩商湖北及宿松太湖潛山石牌是血戰得來天堂是山內要道蘄水蘄州之捷路羅田麻城是黃州漢陽德安三大郡之門戶均不可棄也幸卽將如

胡文忠公三翰

卷下

天

何抽調如何阨守保全楚疆不失之法逐一密函指

示爲禱卽此密商

九月十二日

頃接伍次蓀十三日信六安圍解知爲探試虛實之賊必非大股且壽州城守尙嚴該逆後有牽綴其勢亦不能不退方擬函止閣下暫弗拔營旋奉來函業已洞悉賊情無足爲慮卽乞止而不行仍紮原處北援之舉俟 批諭到時方能定局其豫先籌佈一切亦俟希庵回營再行酌定也伍次蓀探報二紙并附

十五
日

初三日戌刻得初二日丑刻書具悉一切徽州以二
十五夜失守皖南軍情自是吃重希公先發四營當
於日內報到滌帥前函仍以皖北爲念謂得四營足
以一戰惟鄙見現在賊勢必趨樂平景鎮以斷祁門
之後季公趕援兵力尙單已函商滌帥飛催凱章回
軍合力來示續撥六營之說應不必派滌寄沅圍及

林翼書并此抄閱

九月初
三夜

胡文忠公手翰

卷下

五

初五日酉刻接初一日楊店來函知已商定進剿之
期軍情瞬息千變誠難懸揣鄙意我軍不能迎頭亦
不必迎頭並不必再管荆襄但向有賊處急打軍事
少著議論最好南宋人議論多而成功少可戒也
初六日

月前舟次接二十一日惠函知城逆死守尙無攻克
期閣下之用心苦矣弟初三日回省病尙未減暫住
衙署稍爲靜養南岸之事現分兩路進剿以成鎮辦

興治以何副將辦崇通鮑軍仍須留備下游援賊而
斬黃財賦之地淪陷數月無兵剿辦奈何

六月初四日

初四日馳復一緘初七日接展初一日惠書知二十

九日之役閣下之憂憤尤深瓜熟蒂落自有其時不
可性急南岸分途剿辦尙未開仗通城城池已爲李

次青收復崇蒲一帶當可次第肅清

初八日

五日接前月二十六日惠翰承示易仰攻爲俯入二
十二道同時並進而又以礮聲混其響聽該逆雖悍

胡文忠公手翰

卷下

三

雖狡亦不能出兄掌握將士同力合作愈苦愈奮尤
見我兄推心置腹之誠感人甚深二十日之約當不
誣也黃州宿松各信皆謬言狗在上游實則多禮堂
探報狗從金陵乞援賊且喜關外四壘均破其誘降
之三壘點名按冊而殺之共二千八百餘名皆二年
入夥老賊僅釋其短髮三百餘名劉滄林一壘誘之
不降鮑成圍以長濠又以地道引洩池水故於初二
夜冒死突出追殺生擒共一千零數十人已無噍類

此皆賊中精悍可抵三年所殺之賊數而又過之賊
燄從此衰死黨亦必不信狗矣成鎮初八日自太湖
拔營取道蘄廣渡江由興國進剿瑞賊弟三日來吐
血日增至二百餘口之多不能同陸師啟行夏至無
大翻駁當由水路上行也

初六日
亥刻

初八日接初二日惠書及僞件具承一切我以地雷
賊亦以地雷總是復城之象賊計既洩則利在我而
害在賊先機防之賊已入我彀矣看此光景鄂城雖

胡文忠公手翰

卷下

三

被蹂躪而狗賊佈勢太寬照應不及所丟悍賊必多
從此賊燄必衰死黨亦必怨狗逆之失信矣興國信
來武義之賊已入興境南岸又復吃緊成鎮十營本
日由太湖啟行從蘭溪巴河渡江而南弟亦於日內
從水路上溯急顧兩岸太湖潛山石牌各留二三營
僞征東主將劉滄林爲水師生擒梟首安慶城邊矣
其計此次點名殺賊約二千九百人皆狗逆之死黨
狗亦從此弱矣

初九日

初十日接到七日惠書知貴軍過於勞苦尙須將養
念甚餉項已由糧臺籌發矣安慶克復狗酋無所牽
顧率眾上犯以爲黃隨援應亦在意中卽乞督率所
部急赴黃斬要隘當能伐其狡謀也希帥已定於十
三日過江矣

十一日

十一日接展初七日惠函具承壹是滌帥信來援賊
於初四日至石牌計已至集賢矣勢旣趨下不能卽
援德安城賊思遁必不出尊兄所料待其竄而擊之

胡文忠公手翰

卷下

三

亦變通勦辦之一法但須審定賊情節節設伏鷓剿
狙擊務令斬殺淨盡庶免貽害他處耳

十三日

前月三十日奉畬一函計已入覽叠接舒都護及吳
幹臣函知德郡合圍以來辛勤臻至不遺餘力敬以
爲念賊旣死守自難急切仰攻聞已解到礮五十餘
尊日夕轟擊略無休暇在我方行所無事而該逆必
無一刻之安兄之爲此計甚善鄙意該逆萬分緊急
之時必思宵遁如審察確鑿並料其所竄之路須每

夜於二十里內節節設伏衝腰截尾務以醜類賊
旃爲期此閒鮑軍初十日進攻賊壘賊堅守死拒而
狗逆已先遁矣禮堂跟踪追剿斃賊若干壽山來信
時尙未得禮堂之信未知該逆究竟何處大約皖圍
不解必仍竄鄂疆昨接廣濟探報黃州僞頂天燕吳
老八已預備迎迓果爾則收拾又難矣

十三日
申刻

二十一日接到初十日來函備悉一是窮日夜之力
以攻城受傷多人仍不收隊將士亦甚耐艱苦矣但

胡文忠公手翰

卷下

三

賊注意在解安慶之圍冀以城賊牽綴我師使難兼
顧現在狗逆已率大股直竄石牌及集賢關外安慶
殊形喫緊上游之賊半係裹脅能速進剿使我軍趨
注下游以破賊計否臨穎馳系不盡欲言

二十
二日

前得雪琴函備聞悉力攻城親冒矢石當卽馳書慰
勞計已入覽十八日接到來函益悉初八日之戰謀
勇兼施擒斬多名速拔木城濠籤着着爭勝城中賊
斷站不住想克復在卽日矣毋任欣快仍望先事籌

定設伏扼截不使窮賊脫逃爲禱狗逆聞大軍四集
潛走桐城旋約玕璋各逆分三路攻撲多營經禮堂
先發制勝踏毀入壘並將山後賊館焚盡可謂痛快
鮑成各軍現圍集賢賊壘亦計日可破也鄂氛畢掃
迅奏膚功惟我同志圖之弟病日吐鮮血始尙止二
三口加至百十餘口或尙無大礙

十八日
未刻

十三日復去一函計入覽矣二十日接奉十五日隨
州營次書知率師跟剿殲賊已多具見明燭機先虜

胡文忠公手翰

卷下

十四

情在日無任欣慰此賊雖留餘孽斷難再舉不獨隨
州勢孤卽黃郡游魂亦可趁勢掃蕩惟狗逆大股趨
重安慶禮堂牽於桐城不能兼顧添師函咨頗欲成
軍下援貴營追剿事竣又須急顧蘄黃也

二十
二日

疊接下游探報援賊復由英霍來意在急解德圍頃
據巧水信偽玕王數千人二十二已過蘄水賊情已
露卽請兄與舒公堅忍以待此閒前派成蔣等十六
營渡江游剿不日當趕到也巧水信抄上

二十
五日

二十二日復函去後三十日續接二十日來函敬悉
壹是逆賊出城挑戰我軍示弱以誘之令彼傾巢而
出大加剿洗誠爲有見德安獲大勝仗則各處城賊
俱跼不住必謀逃竄我軍追殺易得手矣狗酋築壘
集賢關內外復日引南岸援賊趨注練潭多公力斷
其外援成胡兩鎮進紮石牌以圖夾擊鮑鎮更指瑕
攻之此舉竟當烹狗也鄂皖兩軍急望因時報捷
十日

胡文忠公手翰

卷下

五

二十二日奉報一函計當入覽二十六日接二十二
日應山惠書承示追剿各情勞苦臻至殄賊之多誠
足張撻伐而快人心欣甚欣甚餘孽入羅山其由光
固而入皖境不出尊見所料受此痛創當不復能振
矣下游援賊已入集賢關窺伺曾軍牆濠維時水陸
各軍攻克皖城外賊壘數座軍威尙盛多軍邀擊桐
城賊亦有蔣家山之捷均不爲賊所窘然非得一枝
勁旅下援合力夾擊亦不能制賊死命也
二十七日

羣公手翰 附

武祥既編胡文忠公手翰家幹復出舊篋凡羣公所
致尺牘尙存百數十通惜蠹蝕殘缺爲擇其篇
幅完善者仍按歲月編次附刊文忠手翰後亦可
見兄當日軍事梗概焉

駱文忠公

秉章

振旅來援狼烟迅掃凱歌一路忭舞同深承示湘軍
大隊於上月抄齊抵黃州業已移營前進分路征皖
羣公手翰

一

之舉籌畫計已周詳希庵觀察抵營即可鼓行而東
羣能畢集 天討克彰想雄麾所指定必勢如破竹
矣

惲中丞

光宸

夏間欣聞策騎巴河會師南援旋傳寶郡圍解繼於
資西賀嶺連戰皆捷而水田一戰則尤勢若建瓴幾
將逆氛殲盡楚疆一清固知偉畧豐功所應同誇褒
鄂者也頃接手書果符所企弟陳藩江右越歲兢持

昨復仰沐 聖恩昇以哥奇才疏任重益切屏營所幸煩問疽患近已調治漸痊日夕勤求在公無誤差足告慰遠懷

武祥按莊方伯受祺湖北兵事逃畧云咸豐九年春石逆達開圍寶慶號稱六十萬長沙告急李續宜以所部往金國琛先馳赴敵連戰大克之寶慶之圍遂解云云駱文忠奏報敘兄功甚詳此役實爲諸軍推服之始今僅存駱
惲兩公函錄之以見大畧

鮑武襄公

超

十五日申刻李璞階兄耑弁到營遞到手書敬悉貴

羣公手翰

二

部各軍於十一日出隊大獲勝仗擒斬甚多想見老兄用兵如神聲威遠播從此乘機痛剿賊鋒自當稍挫弟擬於十三日起連日出隊因陰雨連綿是以養銳以待只候天氣清明會合諸軍攻剿昨與多唐蔣商議嗣後小池新倉龍家涼亭各軍出隊以天明放三排鎗爲號望兄台出隊時亦放三排鎗以便夾擊

正月十六日

曾文正公

國藩

前敵鮑軍雖望閣下之救甚切然糧路尙通士氣尙固閣下行軍總望以穩字爲主先通羅溪河一軍及太湖各軍之氣然後向小池驛一路進紮步步逼近待賊來撲我我乃起而應之最有把握若我去撲賊主客異勢恐難得手至蔣欲分一軍紮水吼嶺弟意以爲不可分又欲閣下軍出羅溪河等處弟意以爲不如紮高橫嶺去鮑軍較近也

再捲塘進紮之法如第一日將二十營同紮一處必

羣公手翰

三

有數營在前者數營在後者第二日進紮卽以昨日之後五營進移於前四五里其餘十五營不動第三日又以昨日之後五營進移於前四五里其餘十五營不動以此倒換而進則無移營之迹無一面築壘一面開仗之勞以次逼近王家牌樓銀硃塔等處小池驛之賊必來撲營賊爲客而我爲主乃易得手是
否有當乞酌擇施行

接來緘知雄師將進紮紅土山迤西一帶甚喜甚慰

貴軍步步進紮與小池驛鮑軍僅隔十里則該逆來
在中間如湯沸鼎如芒在背必難站脚貴軍距天堂
暫遠必宜與羅溪河太湖常通聲息萬一子藥缺乏
尙可由太湖借撥羅溪河之阿達春李續燾太湖之
趙克彰朱品隆李申甫及舍弟等皆與閣下至好愈
通信多則愈好辦事也

胡宮保之意欲貴營不必再進取白洋嶺居高臨下
之勢鄙意仍宜進紅長山等處恐出隊太遠賊逸我

羣公手翰

四

勞難於得手也至進紅長山後糧運之路不至被賊
隔斷否子藥尙充足否便中乞示及

潤之宮保鈔示閣下十八夜傳單具仰進止有法疾
徐合度至以爲佩惟聞廣福寨在東羅山冲在西閣
下若打開東路先清廣福寨一帶則西頭之賊已無
歸路將羣賊兜入大圈之內彼不拚命死戰則必四
出亂竄辦理反難得手弟前函知山外諸軍自上打
下從羅山冲入手蓋欲留東頭爲賊之歸路也山內

貴軍及余軍是否可從上打下先打羅山沖後打廣福寨之處伏祈查示至羅山沖果否在上在西廣福寨果否在下在東賊之敗路果否應在東頭均祈查明詳示春天晴雨無定必待日高四五丈乃看得准
號礮洗三排鎗似不宜太早也

接惠緘得悉昌禮各營小挫情形以地圖觀之高橫嶺在上在西昌軍應在貴軍之右而來緘稱昌軍爲左路何也目下賊之大隊聚於羅山沖一帶弟昨夜

羣公手翰

五

一緘勸閣下從西頭下手莫從東頭下手者蓋東頭若勝賊之歸路一斷拚命衝突我軍受傷必多若東路不勝則西頭愈形喫重可否請閣下湘軍合昌禮桂等軍併趨西頭先擊羅山沖之處候卓裁商復山外新倉多唐朱三軍去羅山沖二十五六里去小池驛二十里與山內約期極難可否俟三軍接仗以後貴軍再行出隊之處亦候卓裁商定蓋貴軍所易於望見者霆營也霆營逼近悍賊不能遠赴西路羅山

沖一帶其能赴西路羅山沖夾擊者多蔣唐朱軍也
四公相隔太遠約期恐致參差故鄙意不願閣下分
攻東頭而願湘軍與昌軍併力西頭不願閣下聞洗
鎗三排而遽出而願俟多蔣各軍至羅山沖口外貴
軍乃出而應之也

惠緘知敝處之信業經接到兩地不謀而合殊爲快
意山外多鮑諸公因賊營口日上紮恐其內竄楚疆
已定派蔣軍四營紮於賊之上面想今日必開大仗

羣公手翰

六

不知昨夕約訂貴軍否多公十九日曾率馬隊親赴
尊處是下面尙有路徑可通日內尊處與山外通信
或不須更由太湖乎約期打仗最難到恰好地位且
有因而誤事者閣下若與山外訂約仍須說明各打
各的可進則進應收則收免致彼此牽制或有疏失
也

山外各軍俟貴處移西紮定後再行開仗本爲穩著
惟多公定計攔頭截紮想昨日已開大仗矣山外四

軍加以雲崖七營兵力實已不薄國藩未便囑其緩戰進止遲速聽多公上之可也山外開仗時尊處登高瞭望或探馬四出必可得其大概當山外酣戰之際尊處出隊夾擊雖未刻尚可出隊進退伸縮由閣下自己作主遠勝於約期會剿也

以上七面見文正全集書札卷十

頃奉惠函猥以弟承乏兩江過承推獎並示可慮五大條啟發愚蒙策勵衰鈍所以愛鄙人而謀全局者至深且遠感佩殆難爲狀弟才本短絀近復精力疲羣公手翰

七

憊值事勢大壞之後重任懼弗克當惟迭奉 廷旨

趣行義無延諉現與鄂帥商定安慶之圍勿撤暨令

九舍弟接統而抽出朱唐兩將二千餘人另調鮑鎮

霆營六千合宿松馬步各隊計共萬人先行隨同渡

江卽於十五日進發約須六七月間鮑鎮及張凱章

一軍并左季高李次青趙玉班王梅村諸公由湘南

新募之勇方能陸續到齊目下敝部人數既單將領

尤乏誠如尊指渡江以後恐有應接不暇之勢只可

暫住祁門先聯徽州之聲援并保江右東北之門戶
俟各軍繼至再圖分路進攻濱江無勁旅本極可慮
目下普鎮尙紮建德入秋則湘中新軍或有至者舍
弟留安慶公則不變鄂皖之全局私則聊避親屬之
小嫌亦出於情勢之不得已詠帥不主圍城之說然
此時懷城旣圍似當步步緊逼以速北岸援賊之來
以寬南岸紛擾之氣有未可拘執一見者高明以爲
何如珂鄉多難護圍眷屬不知遷避何方仁孝至性

羣公手翰

八

倍增焦急惟吳下賊氛遍地敝軍亦暫難深入執事
似宜先專安人改裝回里探聽確音更設法接至湘
鄂擇地居住閣下旣申孝養之情更可壹志從戚以
張吾軍而爲 國家終立大功忠孝之門彼蒼默佑

固可保其無他也

五月十四日

曾忠襄公 國荃

前聞孝感之捷爲雄師回援之第一膚功忻佩無似
適援賊麇集勞形戰守故未以一箋奉賀抱歉奚如

頃讀十二日惠書敬悉大軍圍攻德安已屆垂成之功雖初次地道爲該逆死拒而檻獸釜魚終屬掌中之物况續開一二處指顧可成逃聽捷音日夜以企安慶軍事自五月初旬鮑成兩軍撲滅關外四賊壘其踞關內菱湖北岸者亦實有七千餘人皆狗酋帶來最悍之黨敵軍旣以長圍困之復於五月十三日移六營紮於北門之外以截城逆送糧入菱湖之路是日該逆以全力來爭受大創而去由是壘賊益驚

羣公手翰

九

懼無措我軍水陸遂乘勢攻之於初一早將菱湖兩岸之賊壘十八座一律蕩平生擒老賊五千餘殺之其擊斃溺斃之賊約三千餘人幸無一名漏網者至是敵軍又添兩營於西北兩門之外邊該逆出城之路於前後長濠仍嚴爲防守近據投誠賊供米糧實不能久支惟狗叔及葉張各賊酋死守待援毫無竄志約須瓜熟之期始可望其蒂落耳狗酋此次糾合輔璋玕三僮王同時上援號稱二十餘萬其前隊有

到圻水圻州一帶者此間相待已久如直援安慶斷
不使再爲通氣如上犯鄂臺想閣下與靖臣兄必已
早爲戒備且鄂南已報肅清成蔣各營宮保與希帥
必調其回顧北岸有此雕剿之師則雄師可一意圍
攻以成大勳耳

二十
六日

王壯愍公

有齡

敬啟者弟臺符謬領戎畧未諳時事日艱冰兢滋思
浙中自蘇常淪陷繼以徽甯不守逆氛四逼處處堪

羣公手翰

十

虞省垣屢瀕於危差幸守備嚴密該逆無所施技而
禾城克復無期三衢近又告警兵力雖不至十分單
薄江南大營舊部習氣過深無可復用敢戰之士甚
少將才尤鮮其人軍務起色爲難莫名焦灼素仰英
猷偉畧軼倫超羣用興借材異地之思現已具奏懇
恩請調白旌來浙藉挽危局而資臂助尙祈不我
遐棄惠然肯來能於楚北熟用得力勁軍酌帶赴浙
尤爲感佩展豹韜之祕靖豕突之紛俾浙事日有轉

機曷任引領翹盼之至

再啟者前聞閣下得蘇常失陷之信卽欲帶兵東下
以圖規復具見赤忱報國關念梓鄉之至意曷勝
欽佩自夏至今蘇民日盼曾帥大軍不至致團練漸
多解散其未被擾之所幾盡淪胥大旆如卽來浙藉
壯聲威浙境得以站住卽可由嘉興進軍蘇城或由
太湖進軍宜溧出粉榆於水火拯民命於東南此不
朽之鴻功亦卽執事之素志也

羣公手翰

士

翁中丞

同書

閣下六載戎行輿歌來諗望烽烟而寄慨冀蔥樹之
之忘憂定能迎遂潘輿養娛陶幕矢太真之志孝復
何慙安元直之心忠能自効將見以今邁古德業兼
隆矣維揚薛成良之變此處撥黃副將開榜水師合
剿一舉撲滅其黨悉誅薛逆已落水死江北可望安
堵弟攻程圩日久月初大雨積旬潁淮水漲賊圩四
面皆水我軍乘船圍撲卽可迅掃弟俟水勢稍平將

赴穎上安撫矣尊謙禮宜奉璧緣世交誼重非比泛
常若不恪遵轉嫌自外此後勿再沿官場稱呼是所

至禱

六月
望日

閻文介公 敬銘 時管湖北糧餉軍火

移師德安小醜負嵎聞麾下布置周密士氣百倍保
障吳楚唯公是賴卽奏膚功萬民額慶貴部紮營是
否已定去城遠邇若何省局去臘鑄二千五六百斤
大礮裝放裂炸大子卽仿洋人之法刻下攻城是否
羣公手翰

十一

合用祈示知如以爲可當派員運送並派礮子匠同
來一試但此礮利用攻擊非行仗所利必須貴營紮
定去城三四五里卽可用

昨奉二十九日飛示卽飭吳弁趕解子藥到隔浦潭
日內想可照收初三巳刻又接初一日來書嚴催子
藥倍深慚悚兵機利鈍大局所關敢不竭盡棉薄用
佐膚功惟心餘力絀恐不免匱竭之虞陰雨連日藥
又難出莫名焦灼昨已將下情上達諸求原宥刻又

解子五萬及紙香同赴隔浦潭轉運

楊勇懋公

岳斌

上游軍情仰賴蓋謀碩畫勝算頻操令人欽佩無似
雄師規復孝感率得勝之師移剿德安日夕環擊並
開地道仰攻俯入想所獸釜魚不難滅此朝食此後
露草所傳快先逃聽尙望擲示爲禱弟於前月率師
圍攻池州一連三日該逆負固未能得手旋即下賊
舊縣廿日帶各營攻打神塘河賊壘拔之乘勢直搗

秦公手翰

三

無爲州城燒燬逆船數十隻奪獲砲船四隻斃賊頗
多廿六日隨復往攻青陽轟擊兩時之久因無陸師
助剿又未得手安慶城外一帶賊壘經水陸夾攻一
律踏平城內糧盡勢窮不久亦可克復矣

六月十日

李勇毅公

續宜

此次回援內地閣下及各將士艱苦備嘗弟乃闕於
澗口殊爲歉然初八十一十六等日捷仗可彙敘一
稿寄來以便轉咨入 告旣堪激勵將士尤足慰我

陣亡弁勇忠靈也德郡據逆經地道由下攻上炮火
從天打下豈非天羅地網之象不可再用肉薄傷我
精銳克城之遲速冥中自有主持只可盡人事以聽
之亦不必過於焦急所調德安馬步六營行止可由
兄酌定計德安尚有老勇十營又有舒公馬隊及彭
公水師會紮不特能制賊賊即有大股援賊竄到可
戰則戰不可則守當能支持閣下傷復元否劉朱趙
亦皆愈否

四月二十三日

羣公手翰

丙

彭剛直公

玉麟

徽郡失陷南岸事大爲棘手曷勝憤激聞滌帥已調
張鮑入嶺布置穩固祁門大營或可無虞也承示撥
湘中等六營分三起拔營暫駐東建一帶聽候調遣
足徵謀慮周詳實深欽佩至兵勇於華陽鎮過江弟
已與軍門會派左前副左三營戰船前往候渡祈釋

錦注

德安之役賢勞實甚而屢次大舉尙未成功非人也

竇天也奈何如之宮保病甚劇日咳血百餘口初二
日抵省入署急盼各處捷音以寬慰之乃事機多滯
愈益焦煩弟借希帥來小住數日以排解其憂憤覺
畧有喜色耳德安棘手尙求自慰天氣炎暑保衛爲
宜毋以不順縈懷抱也茲有成副將自黃州來稟
特鈔台覽乞留心各營新添之勇密爲防範甯可信
其有不可信其無蓋賊人詭譎多端耳

頃接省中來報欣慰德郡已於十一日戌刻克復餘

羣公手翰

五

賊由西北路竄遁隨州仰徵調度有方聲威赫著馬
步跟蹤追剿諒不難一鼓蕩平傾耳捷音無任巨躍
弟如恆粟六建樹毫無聞成蔣各營均已渡江而北
尙未見仗江右瑞州奉靖等處賊股現竄至新建所
屬之生米地方距省僅三十里章門戒嚴節帥派鮑
軍由潯入江月之初六日拔隊前進未審能立靖妖

氛否

官文恭公

官文

前者孝感之克仰賴碩畫當已覆賀呈覽茲接舒輔
廷都護來函云馬步各軍均已進逼德城并稱前攻
孝感步軍受傷甚眾若非閣下憤切急攻實難克復
似此冒險立功眞爲不可多得之員等語此在輔廷
不過據實直書然閣下之深謀勝算義膽忠肝其足
以折服人心者已不啻飲醇自醉矣現在德逆坐困
計已畏威如虎想閣下必趁此聲威激勵士卒以期
速下堅城不勝盼禱黃州之賊分竄太湖詠帥以病

羣公手翰

七

後而當狡敵愾念實深

張中堂之萬時任河南巡撫

聞細柳之名久矣寂處京華以不獲周旋鞭弭爲憾
冬初奉命來豫適聞麾下罷兵之信爲之悵悵每
遇楚中士大夫必備詢數年來麾下戎勛戰畧談者
莫不以閣下功高不賞爲之扼腕弟竊以爲閣下功
在兩楚名在九重他日晉爵圖麟非異人任不第
舊階光復已也此間三面傳烽四郊多壘軍書旁午

士卒呼庚時局艱危甚於他省弟謬承其乏權篆是
邦中原大局所關惴惴焉以不克勝任爲懼至於軍
旅尤所未嫻願借膚功以資臂助昨已專摺 奏調
仰蒙 俞允並已函致官節相嚴中丞當不惜楚材
晉用又聞麾下襄樊舊部百戰之餘悉皆精銳豫事
日棘需兵尤殷請擇其尤爲得力者或千人或二千
人由雄麾親統來豫饗數營制悉照豫軍章程辦理
成軍後望卽整旅北來會籌方畧以展奇績而靖中

羣公手翰

七

原幸甚幸甚

翹僮勛旆眴易新韶想來豫 恩綸前經備文移行
業已轉煩查照矣刻下中州軍事徵調殷煩渴盼騶
從翩然而來藉襄一臂側聞板輿在侍擬先送返珂
鄉然後移孝作忠周旋鞭弭此實執事愛日之誠曷
敢有所嚶阻惟念楚湘往返輾轉需時此間戎馬倥
偬事機萬緊非獨前籌借箸重待槩材且亟望新募
之師剋日進行用當一面故昨囑湘坡太守轉致區

區猶恐未盡欲言用特飛布數行爲公速駕刻下湘
南安堵驛路風和卽希酌派安人奉太夫人錦旋潭
寓一面振旅北來懋宣庸勩早任柳營之表牽遠成
萱室之顯揚事之兩便無逾此者務望雅臆芻言是
所翹禱再前由執事酌募勁勇一二千名楚材可用
重以指揮早晚按部來營所向自能得力惟查豫軍
現有兵數尙覺不敷調遣擬再稍加添募以期應手
多多益善是所望將兵如淮陰者倘募勇餉項短絀
卽由湘坡處就近挪用渠現權篆宛南瀕行時業已
切囑之當能照辦無誤也

羣公手翰

文

